

冊芳

播出時間：2020 / 10 / 28

星期三 中午 12：00

報報小達人：804 莊詠晴

稿件編輯：陳思恩老師

各位老師，各位同學，大家午安，我是 804 莊詠晴，我是今天的報報小達人，今天，我要為大家播報的內容，是：冊芳

這兩字欲按怎變調？「冊芳」名詞，冊的芳味；「冊」、「芳」一句，冊是芳的。嗯，攞是芳閣有味。

我頭一擺鼻著冊芳，是小學五年仔去圖書館借《安徒生童話集》。本底是看著新新、嬌嬌，鼻著有新冊的芳味，想袂到看甲芳味變趣味，閣變出我一世人的勇氣。

〈天鵝公主〉的主角，佱我全款是厝裡上細漢的，伊忍耐痛苦為著欲救十一个兄哥，予我發覺只要我認真拍拚，我嘛會使救阮兜的散赤！後來我閣看著〈鵝鴨仔〉彼篇，真正是我的救星，治好我的自卑。因為佇三年仔，一陣查埔同學罵我無老爸，閣用規桶垃圾水，對二樓相準我的頭殼，共我淋甲規身軀澹漉漉。彼時，我目屎佱規面的水，早就分袂清嘛辦袂離。我毋敢共阿母講，驚伊艱苦；嘛毋敢共老師投，驚歹囡仔講我「豆仔魚」，會共我共甲愈忝。我氣甲、艱苦甲，毋過我無可能做鱸鰻，共 拆食落腹，「予 好看」。我干焦會當共目屎吞落去，喙齒根咬咧，好好仔讀冊，我欲「好予 看」，無欲予人

看衰，欲予 驚甲目睷仁跳出來，走甲無地揣。我看著
標鴨仔予人恥笑，若看著予人看無的家己，嘛綴咧流目
屎。看著伊變做正港的天鵝，我歡喜的目屎擋袂牢一直
滴。Mh！著！我就是彼隻上嶺的天鵝。

彼本芳芳的囡仔冊看了，我變甲足愛看冊，閣走去
冊局看，就袂孤單閣愈來愈有自信。戲館邊倚久嘛會曉
拍拍，我看作者遐勢寫，就偷偷仔學，學甲會曉用金言
玉語，閣予老師揀去參加「教孝月」作文比賽。彼句「毋
聽老人言，食虧在眼前」，定著有加分呢！倚佇台仔頂，
提著獎狀，標鴨仔有影感覺已經變做一隻會當擡頭旗、
行頭前，會當助人助己的天鵝矣，我欲用自信佻雅氣飛
上天。

標鴨仔變天鵝的鉅角無別項，就是鼻冊芳。當當開
學註冊，人攏咧怨嘆冊傷重，揩袂振動，我是一本仔一
本對頭掀到尾，閣掀倒轉來，笑微微、恬恬仔鼻，咧享
受新冊一陣一陣的芳味，知影芳味會變趣味，知影一字
一字攏有珍貴的啟示。

以上是今天的 Happy 播，期待下次相見！